

3871

論語新讀本

上冊



論語新讀本序

世界何爲而險。岌否塞。至於此極乎。人心何爲而欺詐迷繆。至於此極乎。四書五經束之高閣。而不屑讀。舊道德掃除殆盡。而於新道德亦茫乎無所知。爲人之道當如何。鮮有能道之者。此淘汰道德之過也。言科學者曰。求淺求淺。言國學者亦曰。求淺求淺。不問材質。不論智愚。國民咸憚於深造。阻於進修。所便者卑劣之生徒。所怪者奇才異能之子弟。數十年後。吾國文化行將蕩焉而無存。文字鄙倍。而知識隨之。蠢愚日滋。追能起弱。此淘汰文化之過也。循是二者。國家安得不殆。且危。聖教安得不漸。且滅乎。於是矯其弊者曰。讀經。讀經人人懷。刪詩書定禮樂之志。棼然而不得要。

領貿然而無所適從。庸有當乎。夫聖人之道。猶宮牆也。不示以徑塗焉。得其門而入。文治嘗謂讀十三經之法。當以論語孝經左傳孟子爲先。而四者尤以論語孟子爲要。顧論語體例與孟子不同。孟子係編年例。文義錯雜。不相連屬。論語則論學處事。分別部居。其中皆有線索可尋。唐李觀謂周情孔思。蓋孔門之文思精矣。微矣。爰不自揣。取朱子論語集註本。刪其繁複。補以古注。參以鄙意。定爲論語讀本。復作大義二十篇。附於每篇之末。貫串羣言。發明要道。俾學者於讀經之法。學聖之方。可兩得之。然而更有進焉者。子以四教。文行忠信。又曰。君子欲訥於言而敏於行。蓋天下將治。則尚行也。天下將亂。則尚言也。古今之大患。皆在乎議論紛紜。言

多枝葉而驗諸實事動輒鄰於虛妄甚或背而馳焉人事之乖舛是非之顛倒治道學術之淪胥皆原於此深可痛也是以孔子又曰躬行君子其告子貢則曰先行其言而後從之二十篇中於此尤兢兢今日中國正患多議論之人少實行之士學者於言行合一之旨可不重哉可不重哉宋趙普謂半部論語嘗以致太平普庸陋人也此讐言耳要不足信顧論語實有可以致太平者道在力行而已矣文治惟願後之讀是書者事事務實措諸躬行希賢希聖察之踐履之間堯舜牆見之寤寐之頃於道德文化兩端皆不託之空言則我中國庶幾可以致太平乎庶幾可以致太平乎唐文治自序

三注解 論語諸家注解以朱子爲最。惟其本意在發揮義理。故文法不免繁複。茲特刪繁就簡。以便學者易於了解。其朱注有未安處。則多採用古注。或參以鄙意。總以明顯爲度。

四分課 是書爲師範學校及文科學校而設。日後即可爲中學或高等小學教授本。計共一百十六課。適合三年之用。每一課起處以◎爲記。訖處以△爲記。大義文之長者。或分二三節。短者作一節。無論經文及大義。均以熟讀爲主。

凡例

一宗旨 爲學之道以道德爲惟一之宗旨而道德尤以躬行實踐不尙空言爲主論語爲論道德之淵藪此書所發明者皆以返居身心爲要素

二文法 論語文法較爲深奧初學讀法尤以圈點爲最要此書係用吳摯甫先生圈點本又復參以鄙意於文法特爲顯明至每篇大義仿史記各序體例鄙人平日稍有心得具錄其中貫串全書縱橫無不如志令讀者如游名山如覽大川又如游五都之市珍寶畢陳應接不暇蓋不獨學者讀書之訣具備於是並可爲學習國文之階梯也

論語新讀本卷一

國學啓蒙之一

唐文治蔚芝甫著

學而篇第一

說音悅

樂音洛

弟好皆去聲
鮮上聲

與平聲

○子曰。學而時習之。不亦說乎。

學言效也。覺也。後覺者必效先覺之所爲也。時習時溫習也。說喜意也。時時溫習融治於心則說也。

有朋自遠方來。不亦樂乎。

朋同類也。自從也。說在心樂則發散在外。

人不知而不愠。不亦君子乎。

愠含怒意。君子成德之名。言不求知於人則爲君子也。

○有子曰。其爲人也孝弟。而好犯上者。鮮矣。不好犯上。而好作亂

者。未之有也。

有子孔子弟子名若。善事父母爲孝。善事兄長爲弟。犯上謂干犯在上之人。鮮少也。作亂爲悖逆爭鬪之事。言人能孝弟其心和順必不犯上。以至於作亂也。

君子務本。本立而道生。孝弟也者。其爲仁之本與。

務專力也。本猶根也。仁者心之德。言君子凡事

心小於本孝弟乃爲仁之本也。

觀其志。觀子之志也。觀其行。觀子之行也。三年無改其合於道也。至於三年則終身可以無改矣。

◎有子曰。禮之用。和爲貴。先王之道。斯爲美。小大由之。

禮者。人之儀則也。和者。從容不迫之意。小

大由之者。言小事。大事無不由之也。

有所不行。知和而和。不以禮節之。亦不可行也。

承上文而言。如此而有所不行者。以其徒知和之爲貴。不知以

禮之莊重節之。所以不可行也。

近遠皆去聲

◎有子曰。信近於義。言可復也。恭近於禮。遠恥辱也。因不失其親。

亦可宗也。

信。約信也。義者。事之宜也。復。踐言也。恭。致敬也。禮。節文也。因。相依也。宗。宗仰也。約。信而合其宜。則其言可踐致恭而中其節。則恥辱可遠。相依者。不失其可親之人。亦可宗仰而以爲法也。

◎子曰。君子食無求飽。居無求安。敏於事而慎於言。就有道而正。

焉。可謂好學也已。

不。安飽者。志在學問。而不暇及也。敏於事者。勉其所不足。慎於言者。戒其所有餘。就有道者。正其所學之是非也。

◎子貢曰。貧而無諂。富而無驕。何如。子曰。可也。未若貧而樂。富而

好去聲

之與之與
平聲下同

行去聲

○子曰。君子不重。則不威。學則不固。

重。厚重。威。威嚴。固。堅固也。輕乎外者。必不能堅。乎內。故不厚重。則無威嚴。而所學亦不堅固也。

主忠信。

人不忠信。則事皆無實。故學者必以是為主。以上五章。皆言信。人生信。信為重也。

無友不如己者。

無母通。不如己。則無益而有損。

過則勿憚改。

勿亦禁止之辭。憚畏難也。過不改。則為惡。

○曾子曰。慎終追遠。民德歸厚矣。

慎終者。喪盡其禮。追遠者。祭盡其誠。民德歸厚。謂下民化之。其德亦歸於厚也。

○子禽問於子貢曰。夫子至於是邦也。必聞其政。求之與。抑與之。

與。

子禽。姓陳。名亢。子貢。姓端木。名賜。皆孔子弟。子抑反。語辭求者。求聞之也。與者。人告之也。

○子貢曰。夫子溫良恭儉讓。以得之。夫子之求之也。其諸異乎人。

之求之與。

溫。和厚也。良。易直也。恭。莊敬也。儉。節制也。讓。謙遜也。其諸。語辭言。夫子未嘗求之。但其德容如是。為時君所敬信。自然得聞其政也。

○子曰。父在。觀其志。父沒。觀其行。三年無改於父之道。可謂孝矣。

之義。讀論語者入門之法也。曰不亦說乎。不亦樂乎。明爲學當求說與樂也。易乾卦之初爻曰潛潛者聖人之至德。學而首章曰人不知而不愠。其末章曰不患人之不己知。堯曰之末章曰不知命無以爲君子。皆潛德也。學問淺露動輒表暴於人。浸至馳逐於名利之場。墮其品行。皆求知之一念爲之。此聖人所深痛而學者之大戒。是論語二十篇徹始徹終之要旨也。曾子三省章以下大抵皆爲初學而言。曾子非於三省之外別無所事。曰忠信曰傳習教學者以簡易之目也。湯之盤銘曰苟日新。日日新。又日新。能行三省之法。吾德庶幾其日新乎。凡人每日沐時至少。凡三有能行三省之法。去其面之垢。即以去其心之垢者乎。道千乘之國。政治學

樂音洛好
去聲

磬七多反
與平聲

好禮者也。

諂卑屈也。驕矜肆也可者。僅可而未盡之辭。樂道則忘其貧。好禮則循天理而亦忘其富矣。

子貢曰。詩云。如切如磋。如琢如磨。其斯之謂與。

詩。衛風淇澳之篇。治骨角者。既切而復磋。治玉石者。既琢而復磨。皆益致其精也。

其精也。

子曰。賜也。始可與言。詩已矣。告諸往而知來者。

往者其所已言者。來者其所未言者。

○子曰。不患人之不己知。患不知人也。


君子求在我者。故不患人之不己知。己不知人。則是非邪正。或不能辨。故以爲患也。

◎學而篇大義

論語開宗明義曰。學。學字。古文从爻。从子。即古孝字。學者何。孝弟而已矣。仁者人心之德。所以爲人之本也。爲仁之本。自孝弟始。失仁之端。自巧言令色始。自古聖賢豪傑。孰不從家庭愛敬中來。天下穿窬盜賊。孰不從逢迎諂媚中來。養正之功。端在於是。此貫串

和爲貴。初學應世之方也。小大由之。貫始終一也。信近於義。言始可復。恭近於禮。始遠恥辱。因不失其親。始可宗。初學苟非辨之於早有終身失足者矣。論語二十篇。時時教人以好學。而惟食無求飽。數言尤爲淺近。而篤實貧而無諂。富而無驕。學者之行。宜由淺以及深。學詩之義。亦宜由淺以入深。告諸往而知來者。治經之法也。所謂舉一隅以三隅反者。也不患人之不已知。與不知不愠。義相應。凡讀論語之法。有苦思力索而始得之者。有淺近而易曉者。至於平易近人。親切有味。則學而一篇尤宜三復也。而文治則更有進者。聖人教人最要之宗旨。讀書與立品宜合爲一故。先儒謂讀論語。每讀一篇。人品宜高一格。若書自書。我自我。終其身與書。

之初基也。弟子入則孝。章古時小學之教也。賢賢易色。事親竭力。事君致身。交友有信。性情品行之本原也。不重則不威。章皆教初學以篤實之旨。蓋不實則浮。浮則囂。囂則誕。學問終身無成矣。故學者以重爲尤要。能敬其庶幾重乎。◎聖門立教首重人倫而孝弟人倫之本也。慎終追遠。孝之本也。甚哉有子曾子之言似夫子也。蓋天下固有不治父母之喪者矣。有春露秋霜歲時伏臘不祀其先人者矣。民德之薄如此。孰使之然。亦可痛矣。哉溫良恭儉讓聖人處世之道。卽學者學聖人之階梯也。三年無改於父之道。尤爲教孝之義。曷爲限以三年。曰三年概以終身可也。如有非道者。改之可也。易傳曰履和而至。又曰履以和行。謙以制禮。禮之用。



隔。閤。猶。之。不。讀。書。矣。今。學。者。玩。時。習。之。教。其。亦。知。反。諸。於。身。而。體。諸。於。心。乎。」

三十而立。立。自立也。根本既固。有以自守也。

四十而不惑。不惑者。於事物之理。皆無所疑也。

五十而知天命。知天命。謂五十學易窮理盡性以知天也。

六十而耳順。聲入心通。無所違逆也。

七十而從心所欲。不踰矩。從。隨也。矩。法度也。隨其心所欲。自不過於法度也。

○孟懿子問孝。子曰。無違。孟懿子。魯大夫。仲孫氏名何忌。無違。謂不背於理。

樊遲御。子告之曰。孟孫問孝於我。我對曰。無違。樊遲。孔子弟子。名須。御。爲孔子御車也。孟孫。即仲孫也。夫子以

懿子未達而不能問。故語遲以發之。

樊遲曰。何謂也。子曰。生事之以禮。死葬之以禮。祭之以禮。生事。葬祭事親之始。

終具矣。是時三家僭禮。故夫子以是告之。

論語新讀本卷二

唐文治蔚芝甫著

爲政篇第二

共音拱

◎子曰。爲政以德。譬如北辰。居其所而衆星共之。

政。正也。所以正人之不正也。德者得也。行道而有得於心也。北

辰。北極。居其所不動也。共。向也。言衆星四面旋繞歸向之也。爲政以德其象如此。

○子曰。詩三百。一言以蔽之。曰思無邪。

詩三百十一篇。言三百舉大數也。蔽。括也。思無邪。魯頌駉篇之辭。凡詩之言皆所以勸人善而不

於爲惡爾。思無邪。不爲惡之本也。

道音導下

○子曰。道之以政。齊之以刑。民免而無恥。

道猶引導。政。法制禁令也。齊。所以一之也。免而無恥。謂民苟免刑罰而無所羞愧也。

道之以德。齊之以禮。有恥且格。

禮。制度品節也。格。感也。言有德以率之。有禮以一之。則民恥於不善而感在上之化也。

有音又

○子曰。吾十有五而志於學。

古者十五而入大學。心之所之。謂之志。此所謂學大學之道也。